

**Thirrje për shprehje interesi për studentët e Fakultetit të Drejtësisë /
Universiteti i Tiranës
Debati universitar për integrimin**

Projekti: 'Laboratori i debatit mbi integrimin europian në auditorët universitare'

Organizata: Qendra "Shkencë dhe Inovacion për Zhvillim" (SCiDEV)

Mbështetur nga Fondacioni Shoqëria e Hapur për Shqipërinë (OSFA)

Afati i shprehjes së interesit: 5 Shkurt 2020

Konteksti

Integrimi europian është prioriteti më strategjik i shtetit Shqiptar dhe rrjedhimisht prek thuajse të gjitha fushat, përfshi këtu edhe atë të arsimit dhe të rinjve. Nga qershori i viti 2014, Shqipëria gëzon statusin e vendit kandidat për në BE. Megjithatë kriteret e vendosura nga Bashkimi Europian për anëtarësim janë parakushte për kalimin e fazës tjetër të procesit, i cili është ai i hapjes së negociatave, vendim i cili pritet në tetor 2019, pas përpjekjeve në qershor 2018 dhe qershor 2019. Ndërkohë që Qeveria Shqiptare dhe aktorët e tjerë politike përgatiten për procesin e hapjes së negociatave, është e rëndësishme edhe ekzistenca e një debati publik të shëndetshëm lidhur me procesin, përfitimet, kostot dhe në tërësi ndikimi që do të ketë integrimi për Shqipërinë. Arsimit dhe të rinjtë mund dhe duhet të luajnë një rol në këtë proces. Nevoja për zhvillimin cilësor të arsimit të lartë në Shqipëri është tashmë e mirëpranuar nga të gjithë aktorët. Zhvillimi i aftësive analitike dhe kritike të studentëve dhe kërkuesve të rinj është pjesë përbërëse e objektivit final për një arsim më cilësor. Kultura e debatit, etika e të debatuarit, analiza kritike, aftësitë kërkimore dhe prezantuese janë të gjithë aftësi dhe kompetenca që u nevojiten studentëve dhe kërkuesve të rinj jo vetëm në akademi por edhe përtej saj në përgatitje për tregun e punës.

Rreth projektit

Qëllimi i projektit është të përforcojë njohuritë dhe zhvillojë analizën kritike të komunitetit të studentëve e kërkuesve të rinj lidhur me Integrimin Europian dhe ndikimin shumëdimensional të tij në Shqipëri përmes organizimit të turnamentit të debatit në auditorët universitare.

Objektiva specifike:

Së pari, projekti synon promovimin e kulturës së debatit, kultivimin e analizës dhe të menduarit kritik, etikën në komunikim, tolerancën dhe vlera të qytetarisë aktive në Shqipëri tek studentët dhe kërkuesit e rinj. Së dyti, projekti synon zhvillimin e aftësive analizuese të studentëve dhe

kërkuesve të rinj lidhur me procesin e Integritimit Europian dhe ndikimin shumëdimensional të tij në Shqipëri.

Në kuadër të zbatimit të projektit 'Laboratori i debatit mbi integrimin europian në auditoret universitare' me mbështetjen e Fondacioni Shoqëria e Hapur për Shqipërinë (OSFA), SCiDEV po kërkon të rinj të motivuar me dëshirën për tu bërë pjesë e debatit universitar për integrimin europian.

Në dhjetor 2019, SCiDEV hapi thirrjen për 12 studentë të rinj dhe për zgjedhi 96 studentë në 12 institucione të arsimit të lartë. Ndërkohë që thirrja për Fakultetin e Drejtësisë po rihapet me një afat të ri pasi nuk u arrit numri i nevojshëm i studentëve. Aplikimet e studentëve të këtyre Fakulteteve që aplikuan në dhjetor 2019 do të konsiderohen së bashku me aplikimet e reja me afat 5 shkurt 2020 dhe më pas do të përzgjidhen 8 studentë.

Studentët e përzgjedhur do të trajnohen dhe më pas do të organizohet debati në nivel fakulteti, do të dali skuadra fituese që do të konkurojë në debatin kombëtar në Prill 2020.

A dëshiron të zhvillosh më tepër dijet dhe aftësitë rreth proceseve të integritimit dhe impaktit në Shqipëri apo më gjerë?

A dëshiron të zhvillosh aftësitë e të menduarit kritik, analizës së thellë, argumenteve të bazuara në evidenca, të folur në publik?

A dëshiron të kontribuosh për një kulturë të rigjallëruar të debatit?

A dëshiron të jesh pjesë e një grupi të rinjsh proaktiv dhe që u dëgjohet zëri?

Atëherë, projekti: 'Laboratori i debatit mbi integrimin europian në auditoret universitare' është për ju.

Studentët e interesuar të shprehin interesin e tyre përmes një email dhe bashkëlidhur CV tek: info@scidevcenter.org brenda 5 Shkurt 2020.